

Այդ դէպքերի ընթացքին էր, որ Պարսկաստանից նահանջող Կուրա-նեան շրջ դիվիզիան — 2 զնացքով, ձիաւորներով ու թնդանօթներով — կուռով եկել-հասել էր Սաղարակ, ուր և շրջապատել էր թուրքերի և քրդերի կողմից, որոնք մի վերջնադրով պահանջ էին ներկայացրել, որ կազակները յանձնեն իրենց զէնքերն ու ձիերը և այնպէս հեռանան: Կազակները մերժել էին և կուռով էին նրանց դէմ:

Թնդանօթների ու գնդացիների ձայնը առնելով՝ Կուռօ Թարխանեանը դուրս եկաւ հետախուզութեան և փողի հնչիւններով ու համազարկներով նշաններ էր անում: Երեկոյան դէմ, թշնամու շղթան ձեղքելով, Արարատ կայարանը հասաւ մի զրահապատ ինքնաշարժ՝ մի սպայով և գնդացիներով ու ուսմբերով զինուած 6 կազակներով: Ռուս զորքերի հրամանատարը մի նամակով առաջարկում էր յաջորդ օրը միասին յարձակում գործել թշնամու վրա:

Միւս օր առաւօտեան ժամը 7-ին, գնդ. Տէր-Սարգսեանի հրամանով, 2 վաշտ ու ձիաւոր հարիւրեակը շարժեցին դէպի Սաղարակ: Սկսեց կատաղի կռիւ: Քրդերն ու թուրքերը պաշտպանուած էին ճակատից ու թիկունքից, բայց երկու կրակի մէջ առնուած՝ չդիմացան ու փախան՝ մի մասը Դարալազեազի ուղղութեամբ, միւսը՝ Արաքսի միւս ափը: Կէսօրուայ մօտ հայ և ռուս զորամասերը «կեցցէ»-ներով միացան իրար: Գրոհի ժամանակ երկու ոտքից վիրաւորուեց հարիւրեակի հրամանատար Թարխանեանը: Դաւալուի ժողովուրդը խանդավառ ընդունելութիւն արաւ կազակներին, որոնք հայերին տւին մի քանի վագոն հաց, դարի, ռազմամթերք:

Յաջորդ օր, Դաւալուի բնակչութիւնը և հայկական զորամասերը կազակների հետ միասին մեկնեցին դէպի Երևան:

Ղամարլուի և Դաւալուի շրջանի դէպքերի առթիւ Երևանից Թիֆլիս ուղարկեցին բազմաթիւ հեռագիրներ. մահմետականները մեղադրում էին հայերին, հայերը՝ մահմետականներին: Հայերի կողմից հետևեալ ձևով էր ներկայացուած կացութիւնը:

Փետր. 21-ին Երևանի զորքերի հրամանատար գնդ. Փիրումեանը հեռագրեց ներքին գործերի նախարարին. «Մահմետականների անընդհատ յարձակումները զինուորական, մարդատար, բեռնակիր և սանիտարական գնացքների վրա չեն դադարում՝ չնայած ձեռք առնուած միջոցների: Աւազակային յարձակումները մեծ չափերով տեղի են ունենում երկաթուղու, խճուղու, հեռագրային գծերի վրա, կայարանները կողոպտուել են, կամուրջները՝ քանդուել, որի պատճառով կտրուած ենք ամբողջ աշխարհից. առանձնապէս ահաբեկուած է ռուս ազգաբնակչութիւնը, որը թողնելով ամէն բան՝ հեռանում է Կովկասի սահմաններից: Թուրքերը յարձակուել են Ղամարլուի վրա, ուղարկեց պատգամաւորութիւն, որը ենթարկուելով հրացանաձգութեան՝ յետ դարձաւ: Թուրքերը իրենց ուժերը կենտրոնացրել են Ուլուխանլու և Աղհամզալու կայարաններում, ուր և գինաթափ են անում զինուորական գնացքները: Երևանի նահանգային կոմիտարիատը ստիպուած էր զինուած ուժերով վերականգնել կարգը նաև հեռագրային և երկաթուղային գծերի վրա: 48 ժամ ժամանակ է տրուած կապ հաստատելու համար Դաւալու կայարանի հետ, որտեղ գտնուում է մի զորամաս. այս պահանջս չկատարելու